

Pipiwaharuroa No. 13, 14. Tino hurihanga o Te taringa o Te Tangata tino whainga mai ote hiahia. Kopi rawa ake nga wharangi o Te Pipi i roto inga ringa o Te Kai panui haere ana ka riro. E Hoa nui atu te manaakitia ote mokai e nga tangata o Konei.

Tenei Ka tukua atu e au nga Ingoa onga tangata e hiahia ana Kia tukua mai E Koe (e Te Etita) he Pipiwaharuroa. Kia ratou.

Kai te kahi haere ahau i nga hua kareao hai manawa mo to manu kia mene ra ka tuku atu ai. Hai reira ano taku haere atu ai.

Na To Hoa Mahi.

T. TAWHAI.

Te Arai,
Maehe 24, 1899.

Kia P. Peneti.

E hoa tena koe; kia ora tonu koe te kai hapai me te kai manaaki o ta tatou Manu.

No te 19 o nga ra o tenei marama ka u mai te Kawana ki turanga nei; ratou ko Timi Kara, ko Kanara Pole-Penton, me era atu tangata rangatira. I to ratou unga mai ka powhiritia e nga Maori o Whakato ki to ratou mainga: a i te ara ka peka te Kawana ki te kaititaki i te whare Karakia i Manatuke. No te tina ka tac ki te marae i powhiritia ai. Te maha o nga tangata i hui mai ki te manaaki i te Kawana e wha rau. I tu nga taane me nga wahine o te tangata whenu a ki te haka. I te taunga o te manuhiri ki raro, ka tu a Te Tuatini Tipoki ki te whakatau i te Kawana, a ko taana whaikorero tenei—“Haere mai e te Kawana, haere mai kia kite koe i te morehu tangata i te morehu whenua: haere mai hoki ki te tango atu i nga taumahatanga me nga pouritanga e pehi nei i a matou. Tuatahi, i te ruiri e kai kino nei i o matou whenua: tuarua, inga roia me nga ture taumaha e hanga mai na i te Paremata. Ko taku tono, me taku inoi tenei kia koe kia aroha mai kia matou ka whakaora i o matou mate.” I tu ano hoki a Ruka Aratapu, a Te Kani Pere, a Reweti Kohere, me etahi atu tangata, ki te whaikorero, ki te whakapai ki te Kawana mo toona haerenga mai kia kite i enei morehu o te Iwi Maori. I muri iho i enei mea, ka tu mai te Kawana ki te whakaboki inga whaikorero kia ia, na Timi Kara ana korero i whakamaori. Ko ana kupu enei—“Whakatau mai kia au; tenei au te haere mai nei kia kite ia koutou. He nui

toku aroha kia koutou irunga i o koutou mate me o koutou taumahatanga kua whakapuakina mai nei e koutou. Ko erei taumahatanga katoa, ma o koutou mema ano e whakapuaki ki te aroaro ote Paremata mea ake nei ta. Engari ko taku kupu tenei kia koutou kia pai te whakatipu i a koutou tamariki. Tukua kinga kura, ma reira nei e puta mai a he orange mo ratou mo koutou ano hoki. Kia pai te tiaki i o koutou whare, i o koutou kakahu, i o koutou tinana me a koutou kai, no te mea kei roto i te pai o te tiaki i enei mea e wha he orange mo te iwi; ma konei anake ka tipu ai te Maori.” I konei ka mutu ana kupu. He nui te manaaki a nga Maori i to ratou Kawana me ona hoa, Heoi.

Ma Te Atua taua e manaaki e tieki,
No to hoa Aroha,

NA TAME ARAPATA.

Pahiatua,
Maehe, 30th, 1899.

Kia Peneti, Etita o Te Pipi-Wharuroa, tena koc, te tangata whakahaere o ta tatou Manu, Heoi te mihi.

I tu te tahi hui ki konei i waenganui i te pakeha i te Maori; a he maha nga rangatira i tae mai ki taua hui. Ko nga tahe o taua huihuinga he titiro he kape atu hoki inga mea e takoto he ana i waenganui i te pakeha raua ko te Maori; he rapu he rongoa hoki inga mate e patu nei i te whakapono ote Maori, te purei hoiho e whakapohara nei e whakakuare nei i te tangata, i te waipiro e nanati nei i te orange o te tinana raua ko te wairua, e iki nei i te morehu tangata ki te po; he whakariterite he whakau hoki inga ture monga kura kei reira nei te ora mo nga tamariki, mo nga tangata hoki nana ratou i tuku; he rapu tikanga hoki e pai ai te pupuri a te Maori inga kupu a te Kuini. He maha nga rangatira Maori i tu ki te whakamihhi, ki te tautoko hoki inga tikanga i whakatakototia ki waenganui o te hui. Ko a Tamahau kupu enei—“E aku hoa kua hui mai, me era atu hoki e noho mai ra i o ratou kainga, kia rongu mai koutou, kua mau nga iwi o toku takiwa ki te whakapono, ki te oha anga kaumatua kua ngaro atu ra ki te po.” I tu ano hoki ahau ki te tautoko i enei kupu a Tamahau, me era atu hoki kaore nei i tubia atu e au.

Heoi ano,

Ma Te Atua taua e tiaki e whakakaha,
na T. H. TEIPUTUTU.